

**NUNATTA EQQARTUUSSISUUNEQARFIANI  
EQQARTUUSSUTIP  
ALLASSIMAFFIATA ASSILINEQARNERA**

**UDSKRIFT AF DOMBOGEN  
FOR  
GRØNLANDS LANDSRET**

**AALAJANGIINEQ**

nalunaarutigineqarpoq Nunatta Eqqartuussisuuneqarfianit ulloq 24. januar 2020 suliami aalajangeqqitassanngortitami

Sul.nr. K 256/19

Unnerluussisussaataasut

illuatungeralugu

U

Inuusooq ulloq [...] 1969

Advokat Ulrik Blidorf

Siullermeeriuffiusumik aalajangiisuuvoq Qaasuitsup Eqqartuussisoqarfia ulloq 3. april 2019 (eqqartuussisoqarfiup sul.nr. QAA-KS-1366/2018).

**Piumasaqaatit**

Unnerluussisussaataasunit piumasaqaatigineqarpoq eqqartuussisoqarfiup aalajangigaa atuuttussanngortinneqassasoq taamaalilluni eqqartuussutigineqartoq pineqaatissiissut atuutiinnarneqassalluni.

U piumasaqaateqarpoq misiligutaasumik iperagaanissamik, misiligutaasumik iperagaanermi piumasaqatitalikkamik, Pinerluttunik Isumaginnittoqarfiup toqqagaani ineqartinneqassalluni kiisalu atuipilunnermut katsorsagaanissamik.

**Eqqartuussisooqataasartut**

Suliaq suliarineqarpoq eqqartuussisooqataasartut peqataatillugit.

## **Suliamut ilassuteqaatitut saqqummiussineq**

Herstedvesterip Pinerluttunik Isumaginnittoqarfianit oqaaseqaat 17. december 2019-meersoq, ilaatigut ersersinneqarluni:

”Pineqaatissiissutip allanngortinneqarnissaanut apeqqut sulisut ataatsimiinneranni ulloq 16. december 2019 eqqartorneqarpoq. Innersuussutigineqarsinnaanngilaq pineqaatissiissutip allanngortinneqarnissaa, nalilerneqarmat pingaarluinnartuusoq U-mik Kalaallit Nunaannut iperagaajartuaartitsinissaq pitsaasumik peqqissaartumillu piareersarneqassasoq. Qulaani oqaatigineqartunut atatillugu, maannakkut Aasiannut utertinneqarnissaa suliarineqarpoq. U Aasiannut utersimalerpat innersuussutigineqarluni qulakkeerisoqarnissaa, killissarititaasut allannguutaat aamma kiffaanngissuseqarnerulernerup nammineerluni aqussinnaanissai, ikiorneqassasorlu tulluurtumik ilusilersorluakkamillu ulluinnarni inuuneqalernissaa, kiisalu isumagineqassasoq aalaakkaasumik attaveqarfeqarnissaa aamma sulisinnaaqqilernissaa misiligutaasumik iperagaatitsineq pitinnagu.

## **Nassuiaatit**

U ilassutitut nassuiaateqarpoq, aallaqqammut qaammammut ataasiarluni aneertarluni. Kingornalu qaammammut marloriarluni, ataasiarluni unnuinertalimmik. Taamatullu qaammatit arfinillit ingerlasimavoq. Maannakkullu qaammatit arfinilissaa sapaatip akunnerata naanera tamakkerlugu aneertarpoq. Taamatut qaammatit pingasut ingerlavoq. Maannakkut nammineerluni aalajangertarpaa aneerusunnerluni, aamma unnuinertaqassanersoq imaluunniit unnuinertaqassannginnersoq. Nuliakuminut, taassuma uianut meeraanullu pulaartarpoq. Ilaannikkullu qimuttuitsunik angerlaraangami qullipilaartarluni. Qujamasuutigivaa taamatut meeqqaminut attaveqarnini. Aneertarneri oqaluttuarereernisut ingerlapput. Assorujussuaq nuannarivaa taamatut aneertarnini meeqqani takusarlugit. Aneertarnini paarilluarpai ingerlalluarpullu. Pinerluttunik Isumaginnittoqarfiup oqaaseqaataa akerlilersinnaanngilaa, aamma ajoringilai oqaaseqaammi allassimasut.

Taamaalluni Kalaallit Nunaanni iperagaaguni, Danmarkimut uterusuppoq meeqqani qanillugit. Kisiannili suli pillaaummik atuinermi sinnera kingulleq Kalaallit Nunaanniitikkusullugu. Nuummi matoqqasumi pineqaatissinneqarsimasunut inissiisarfimmiikkusunngilaq, kisiannili Aasianniikkusulluni. Misiligutaasumik iperagaassagaluaruni ilaquttaminiikkusuppoq. Neqeroorfigitinnikuuvoq nuliakumini taassumalu uianiissinnaalluni. Danmarkimi Esbjergimi najugaqarusuppoq. Suli Esbjergimi inissarsiortutut allatsinnikuunngilaq. Tusarnikuuvaali Esbjergimi sukkaasumik initaartoqarsinnaasoq. Aamma ajorissanngilaa nammineq initaarnissami tungaanut pensionimiitinneqarnissani. Herstedvester Fængselip avataani AA-liartarpoq. Tamanna pisarpoq sapaatip akunneranut ataasiarluni. Tamatuma saniatigut aneertarpoq

ilaquttani ornillugit. Ilumoorpoq 2015-imili quuminik akoqanngitsunik tunniussisarsimagami. Sulilu quuminik akoqanngitsunik tunniussisarluni, taamaaliorpoq qaammammut arfi-neq pingasoriarluni. Atuipilukkunnaavinnikuvoq.

Juullinngilaartoq tusarppaa Rigsadvokatip suli misissoraa Kalaallit Nunaannut nuutinneqarnis-saminut periarfissaq.

**Nunatta eqqartuussisuuneqarfiata tunngavilersuutaa inerniliineralu:**

Uppernarsaaseereernerme nunatta eqqartuussisuuneqarfia isumaqarpoq, eqqartuussummi pineqaatissiissut Nunatta Eqqartuussisuuneqarfianit eqqartuussut ulloq 10. februar 2006 atuutitiinnarneqassasoq.

Taamaalilluni nunatta eqqartuussisuuneqarfiata pinerluttunik isumaginnittoqarfiup innersu-ussutaa assigalugu isumaqarluni, maannakkuugallartoq tunngavissaqanngitsoq eqqartuussaq iperagaatissallugu, iperagaatitsivinnermik imaluunniit misiligutaasumik. Tamatumani eqqartuussisuuneqarfiup annertuumik pingaartippaa pinerluttunik isumaginnittoqarfiup paa-sinninnera naapertorlugu nalilerneqarmat aalajangiisuusoq, eqqartuunneqartup suli ajornar-torsiutitaqanngitsumik iperagaanissaa piareersarneqassasoq iperagaaneq pitinnagu, aamma maannakkut iperagaagaluaruni suli aarlerinaataa annertummat assingusumik ilioqqinnissaa-nut.

Pissutsit, tassa eqqartuunneqartup piffissami sivisuumi ingerlaqateqartinneqarani unnuiner-talimmik aneertarnera, allatut inerniliissutaasinnaanngilaq.

Aamma eqqartuussisuuneqarfik isumaqanngilaq atsikkutigiissaarineq eqqarsaatigalugu eqqartuussaq iperagaatinneqartariaqartoq. Tamatumunnga oqaatigineqassaaq, immikkut isu-magisassanngortitsilluni eqqartuussut 10. februar 2006-meersuummat, aatsaallu 2015-imi aanngaajaarniutitik atuijunnaarsimalluni, taamaattumik iperagaanissaanut piareersarneq si-usinnerusukkut aallartinneqarsinnaasimanani.

**Taamaattumik aalajangerneqarpoq**

Nunatta Eqqartuussisuuneqarfianit ulloq 10. februar 2006 eqqartuussummi pineqaatissiissut allanngortinneqarani atuutitiinnarneqarpoq.

Suliami aningaasartuutit naalagaaffiup karsianit akilerneqassapput.

\*\*\*

## BESLUTNING

afsagt af Grønlands Landsret den 24. januar 2020 i kæresag

Sagl.nr. K 256/19

Anklagemyndigheden

mod

T

Født den 2. juni 1969

Advokat Ulrik Blidorf

Qaasuitsup Kredsret afsagde beslutning i 1. instans den 3. april 2019 (kredsrettens sagl.nr. QAA-KS-1366/2018).

### **Påstande**

Anklagemyndigheden har nedlagt påstand om stadfæstelse af kredsrettens beslutning og således opretholdelse af den idømte foranstaltning.

T har nedlagt om prøveløsladelse på nærmere angivne vilkår om prøvetid, om at han skal tage ophold i en Kriminalforsorgen udpeget bolig, samt at han skal undergive sig misbrugsbehandling.

### **Doms mænd**

Sagen har været behandlet med domsmænd.

### **Supplerende oplysninger**

Af udtalelse af 17. december 2019 fra Kriminalforsorgen ved Herstedvester, fremgår bl.a. følgende:

”Spørgsmålet om foranstaltningsændring har været drøftet på funktionærmøde den 16. december 2019. Man kan ikke anbefale en ændring i foranstaltningen, da det vurderes særdeles vigtigt at tilrettelægge en god og omhyggelig udslusning af T i Grønland. Som det fremgår ovenfor arbejdes der aktuelt på en tilbageførsel til Aasiaat. Når T er tilbage i Aasiaat, anbefales det, at man sikrer sig, at han kan håndtere de ændrede og friere rammer, at man hjælper ham med at få skabt en fornuftig og struktureret hverdag, samt at man sørger for, at kontakten til et stabilt netværk og arbejdsmarkedet genetableres, inden han prøveløslades.

## **Forklaringer**

T har supplerende forklaret, at han i begyndelsen havde udgang en gang månedligt. Derefter to gange månedligt med en overnatning pr. måned. Dette fortsatte i seks måneder. Nu har der været seks måneder, hvor han har haft udgang en hel weekend ad gangen. Det kørte i tre måneder. Nu beslutter han selv, om han skal have udgang, og om det skal være med overnatning eller ej. Han besøger sin ekskone, hendes mand og deres børn. Han fælder af og til nogle tårer, når han kører hjem i toget. Han er taknemmelig for, at han kan have denne kontakt til sine børn. Udgangene kører på den måde, han lige har beskrevet. Han er rigtig glad for at have denne udgang for at kunne se sine børn. Han passer sin udgang og det kører godt. Han vil ikke modsætte sig kriminalforsorgens udtalelse, så han ikke har noget imod, det der står i udtalelsen.

Når han bliver løsladt en gang i Grønland, vil han tage tilbage til Danmark for at være tæt på sine børn. Han vil dog stadig gerne afsone den sidste del af sin tid i Grønland. Han vil ikke sidde i den lukkede anstalt i Nuuk, men i Aasiaat. Hvis han bliver prøveløsladt vil han opholde sig hos sin familie. Han har fået tilbud om at opholde sig hos sin ekskone og dennes mand. I Danmark vil han bo i Esbjerg. Han er ikke endnu skrevet op til en bolig i Esbjerg. Han har hørt, at det går hurtigt at finde en bolig hurtigt i Esbjerg. Han vil også være indstillet på at age ophold på en pension indtil han får sin egen bolig. Han går hos AA, og det er uden for Herstedvester Fængsel. Det er en gang ugentligt. Derudover har han udgang til sin familie. Det er korrekt, at han har aflagt rene urinprøver siden september 2015. Han lægger stadig rene urinprøver, og det gør han 8 gange månedligt. Han har slet ikke noget misbrug længere.

Kort tid inden jul hørte han, at Rigsadvokaten fortsat var i gang med at undersøge muligheden for overførsel til Grønland.

## **Landsrettens begrundelse og resultat:**

Efter bevisførelsen finder landsretten, at den idømte foranstaltning ved Grønlands Landsrets dom af 10. februar 2006 skal opretholdes.

Landsretten finder således, at der, samstemmende med Kriminalforsorgens anbefaling, ikke på nuværende tidspunkt er grundlag for at løslade domfældte, hverken helt eller på prøve. Landsretten har herved lagt betydelig vægt på, at det efter Kriminalforsorgens opfattelse skønnes afgørende, at domfældte gennemfører yderligere problemfri udslusning forud for en løsladelse, og at risikoen for recidiv er for stor, såfremt løsladelsen sker nu.

Det forhold, at domfældte igennem en længere periode har afviklet uledsagede udgange med overnatning, kan ikke føre til et andet resultat.

Landsretten finder endvidere ikke, at domfældte ud fra en proportionalitetsbetragtning bør løslades. Det bemærkes hertil, at forvaringsdommen er fra den 10. februar 2006, og at han ikke før end september 2015 har været stoffri, hvorfor en udslusning ikke har kunnet iværksættes tidligere.

### **Thi bestemmes**

Den ved Grønlands Landsrets dom af 10. februar 2006 idømte foranstaltning opretholdes uændret.

Statskassen betaler sagens omkostninger.

Mette Munck Grønbæk

**Assilineqarnerata eqqortuunera uppernarsarneqarpoq.  
NUNATTA EQQARTUUSSISUUNEQARFIA, 12. maj 2020**

**Udskriftens rigtighed bekræftes.  
GRØNLANDS LANDSRET, 12. maj 2020**

**Katrine Eliassen Lyberth**